

Менинг туйғуларим билан бу шаклда ўйнашма!



18:36 / 13.01.2023 2875

Тилдан келадиган офатлар турли-туман бўлиб, улар қалбни сархуш қилади. Инсон табиатида уларга мойиллик бор. Мазкур офатлардан қутулишнинг энг осон йўли жим туриш биландир. Бу жуда катта фазилатдир. Жим туриш ҳимматни жамлайди ва фикрни софлайди.

Муסיқачи Балиғ Ҳамдий Абдулҳалим Ҳофиз билан дўст эди. Балиғ Ҳамдий бир аёлни севар, аёл эса уни ёқтирмас эди. Буни Абдулҳалим Ҳофиз билар эди.

Бир кеча зиёфатда Абдулҳалим Ҳофиз Балиғ Ҳамдийнинг туйғулари устидан кўпчилик ичида ҳазил-мазаҳ қилиб кулди, масхара қилди.

Кейинчалик Балиғ Ҳамдий дўстига шундай мактуб ёзди:

«Кечаги зиёфатимизда мени мазаҳ қилганинг менинг қалбимни жароҳатлаганини сенга англатишни истар эдим. Сендан илтимос қиламан, менинг туйғуларим билан бунақа ўйнашма, енгил қарама уларга. Сен бунақа нарсаларни тушунмайсан. Сени кечиришим, сен билан яна гаплашишга куч топишим учун мени кўрганингда тағин узр сўраб юрма. Инсоннинг сармояси унинг қалбидир. Унга юмшоқ муносабатда бўл!»

«Мазаҳ» арабча сўз бўлиб, аслида ҳазил-мутойибани англатади. Бинобарин, ҳазил-мутойиба учун рост гапларни гапириб, озроқ мазаҳ қилиш жоиз.

Набий соллаллоҳу алайҳи васаллам ҳам ҳақ гаплардан четламаган ҳолларида ҳазил қилар эдилар. Ул зотнинг бир кишига: «Эй икки қулоқли», бошқа бировга: «Сени туянинг боласига миндирамиз», деганлари ривоят қилинган.

Қари кампирга: «Кампирлар жаннатга кирмайдилар», деганлар ва сўнгра Воқиъа сурасидаги: «Албатта, Биз у(ҳур)ларни дафъатан, махсус яратдик. Бас, уларни бокиралар қилиб қўйдик», оятларини ўқиганлар.

Бошқа бир кампирга: «Кўзида оқи бор эрингми?» деганлар.

Расулulloҳ соллаллоҳу алайҳи васалламнинг ҳазил-мутойибаларида уч нарсаси мужассам бўлган:

1. Ҳақ бўлган.
2. Аёллар, болалар ва заиф кишилар билан бўлган.
3. Нодир (камдан-кам) бўлган.

Бу ҳолатлар доимий равишда ҳазил қилиб юришга далил эмас. Нодир нарсанинг ҳукми доимий нарсанинг ҳукмига ўхшамайди. Мисол учун, бир одам ҳабашларнинг ўйинини кечаю кундуз томоша қилиб, бунга «Расулulloҳ соллаллоҳу алайҳи васаллам ҳам уларни томоша қилганлар», деб ҳужжат келтириши нотўғри бўлади.

Ҳазил-мутойибада ҳаддан ошиш ва бардавом бўлиш ман қилинган. Чунки бу иш одамнинг виқорига футур етказди. Турли гина ва кўнгил қолиши

ҳолатларини келтириб чиқаради.

Инсоннинг қалбига кирмас экансиз, унинг туйғуларини ҳеч қачон тушунмайсиз. Гоҳида сиз учун юзаки туйғу ҳисобланмиш нарса унинг учун ҳаёт бўлиши ҳам мумкин!

Гоҳида юмшоқ тил қиличдан ҳам баттарроқ бўлиши мумкин. Эҳтиёт бўлинг!

Фойдаланилган манбалар:

Islom.uz сайти [Abdulqodir Polvonov](#)

Хуршид Маъруф тайёрлади